

難備僻則窮御下邑難得貴則貧窶之家難求三者雖非君子用心之不周而人之蒙其惠者往往求什一於千百今此方之編分為三類未附以雜病雖不能如諸方之廣載博該要之不犯冗僻貴而凡物產危急之證大略亦盡之矣俾倉卒之際窮御下邑貧窶之家皆得易而求之雖一草一木足以收效豈若前三者之難為功哉苟有用者始信其為聖門之重寶云金川徐守貞序

亡名氏仙傳濟陰方

三卷

存

章貢序曰右濟陰方一收神效不可具述此者吾好嘗遇疾徧求於醫久而未效一日會釋氏子能專濟陰科因請其藥而歸服不盡劑其病已愈遂袖香致謝并叩其方惟得異香四神散蒲黃黑神散烏犀丸而已固常切慕其全方竟爾未獲後遇吾師原陽趙公問道之暇出示全方實與前釋氏子所專科者同出一源因嘆一方一效之緣遇者各有其時予既得以奉親又問出以濟人其收效也多矣蓋其中用藥斟酌得宜俟有定論但只問證發藥無不奇驗每常念不能普濟人爰命鐫刻以廣流傳使有疾者咸遂生全實所願也昔洪武丁丑孟春章貢淵然道者書

顏氏漢便產須知

淡生堂書目二卷

存

高賓序曰醫小道也而有仁人之功君子雖不為亦不廢也矧有係於嗣續之重切於人道之常至理所寓而教存焉者哉家自先祖芬菴府君強於藏書百家兼收得此寫本曰便產須知蓋醫流書也用之家示之人施無不利知其為良之矣先君子嘗曰古有胎教茲寔近之每念廣施而未及也今年夏伯兄懋齋手為校釐十里封寄且示曰先志也卒之予惟產之為疾家必有之而其為醫人不盡克且以秘在閨室

違遠嫌疑於九起居深浴之宜幽暗纖微之務有非盡外醫所能預者然一失其理則子母俱殆夫屬之尤係者二焉是豈尋常痠疾倫哉此其為書所宜家置一編而不繁者也矧果如其所論而百慎之則所謂形容端正而才過人者亦在其中矣念先志之攸存又不害為仁者之事茲故梓行以與吾人共也諸嘗試之必有可觀時弘治庚申歲十有一月上泮賜進士文林郎知瑞安事江陰高賓識

劉氏倫濟世女科經驗全方

一卷

存

俞氏稽廣嗣要語

三卷

存

總論曰：盡萬物而觀之，山無不草木，地無不黍稷，人無不生。育，要之得其養耳。得其養則稔者肥，瘠者以沃，草木何懼乎？不蕃黍稷，何懼乎不秀？夫人亦由是也。苟形質強壯而嗜慾無節，久之不免虛衰，賦秉怯薄而攝養有道，終為亦能完實。不特少健而老衰早壯，而晚倦滋悟，保護之間，固不以挽秋。冬而復春夏也。昔者名醫羅天益，壬戌午春桃李始華，雨雪厚寸，一園叟令舉家擊樹墮雪，焚草於下，是年他果蕭然而

此固大熟，然則天地之氣尚可以力轉移於人之身，豈無所用其術哉？稽乃不熟，愚昧積以平日所聞縉紳方士之說，質諸古今名家論議，著為調理精血，直指真源，男女服藥三論。陰陽虛實四圖，合用方法三十五道，附經脈秘方，號曰廣嗣要語。精切晚明，纖芬弗隱，信此以行，將見天下無不父之男，無不可母之女，而姦斯之應，比屋皆然矣。

薛氏已女科撮要

醫藏目錄二卷

存

嗣產法論

一卷

存

張氏聲道產科大通論方

國史經籍志一卷

佚

趙氏輝胎產須知

國史經籍志二卷

佚

亡名氏女科樞要

國史經籍志四卷

佚

辨疑集

國史經籍志三卷

佚

萬氏全廣嗣紀要

五卷

存

萬全曰全嘗著廣嗣紀要一曰脩德以積其慶二曰寡慾以  
全其真三曰擇配以昌其後四曰調元以却其疾五曰協期  
以會其神遵而行之有子之道也若山水之靈所禱之應必

有德無慾者天地交感志意潛通不弗無子而獲孔釋抱送  
之祥矣否則徵福於冥冥之中其不為天地厭之者幾希  
婦人秘科

三卷

存

廣嗣精要

未見

按右見于羅田縣志

徐氏春甫婦科心鏡

三卷

存

徐春甫曰婦人之疾惟調經胎產為至要固有大異於丈夫  
只云婦科者恐先此也其餘雜病多與男子同茲專集胎  
產須知一卷於前分析雜證二卷於後俾檢閱者知所先後  
重輕焉

彙斯廣育

一卷

存

汪衢序曰彙斯要育者孰集之徐氏汝元集而傳之以公於  
人也汝元余故友襄府典膳鶴山遺腹子也生質敏穎幼從

學於大學生葉光山攻舉子業既而多病復問醫學於余  
 姪子良子良素以醫術鳴時汝元以儒通醫故其術易精其  
 存心每每以濟人為急務弗規於利良可嘉也頻往來於余  
 常以素問脈理病機治法及劉李張朱諸氏之書誥之汝元  
 皆疊疊條析隨問隨對畧無凝滯此見汝元醫有所本業有  
 師承非復近時俗醫記本草而療病泥古方而藥人也不侔  
 凡醫書自古軒岐靈素歷漢唐宋而至於我皇明作術之  
 行於世者二百餘家汝元悉究精微叙而集之者曰古今醫  
 統凡有關於醫者靡不博極該詳誠集諸醫之大成者也茲  
 斯廣育卷余披而閱之有原始要終論陰虛論調經諸論尤

見生生不息之功多余嘉其有心得之妙鑿鑿有理諄諄懇  
 懇以嗣續為重果能體而行之未必無益斯之產也其用心  
 亦仁矣哉胡雲峯云醫而儒明醫也汝元以之汝元名春甫  
 思鶴號也醫書質穎該博群集而况精義不已誠為鳴世之  
 士云新安韓溪道人汪衢序

蔡氏龍陽金斯集

醫藏目錄一卷

存

按是書百家名書中所刻改名題曰廣嗣須知

胡氏文煥香奩潤色

一卷

存

胡氏閱名濟陰方

未見

亡名氏婦人明理論

未見

婦人千金家藏方

未見

婦人經驗方

未見

按以上四種見于本草綱目

張氏文遠保生集要

一卷

未見

金壇縣志張文遠字振凡善醫尤工於胎產著保生集要一卷提學副使馮序之以行萬曆四十年授太醫院官

亡名氏產科大全

醫藏目錄卷閱

未見

齊氏仲甫產寶百問附產寶雜錄

醫藏目錄二卷

未見

王氏肯堂 女科證治準繩

五卷

存

王肯堂序曰婦人有專治方舊矣史綱扁鵲過邯鄲聞貴婦人即為帶下醫語亦長也然帶下直婦人一病耳調經雜證懷子免身患苦百出療治萬方一帶下寧渠盡之乎世所傳張長沙雜病方論三卷婦人居一焉其方用之奇驗奈弗廣何孫真人著千金方特以婦人為首蓋易基乾坤詩首關睢

其

之義其說曰特須教子女學習此三卷婦人方今其精晚即於倉卒之秋何憂畏也而精於醫者未之深許也唐大中初白敏中字成都其家有因兒乳死者訪問名醫得皆殷備集驗方三百七十八首以獻是為產寶宋時漢陽李師聖得產論二十一篇有說無方醫學教授郭稽中以方附焉而陳言無擇於三因方評得失確矣醫杜茂又附益之是為產育寶慶集臨川陳自明良甫以為諸書綱領散漫而無統節目諱略而未備醫者局於簡易不能深求編覽有總進一方不效輒束手者有無方可據揣摩臆度者乃采摭諸家之善附以家傳驗方編葺成篇凡八門門數十餘體總二百六十



餘論論後列方綱領節目燦然可觀是為大全良方良方出而閭閻之調將大備矣然其論多採巢氏病源什九歸諸風冷藥偏獷熟未有條分縷析其宜不者近代薛已新甫始取良方增注其方論酌寒熱之中大抵依於養脾胃補氣血不以去病為事可謂救時之良醫也已第陳氏所算多上古專科禁方自有源流本末不可昧也而薛氏一切以己意芟除變亂使古方自此湮沒余重惜之故於是編務存陳氏之舊而刪其偏駁者然亦存什之六七而已至薛氏之說則盡收之取其以養正為主且簡而易守雖子女學習無難也若易水激水師弟則後長沙而精於醫者一方一論具擗是中迺

它書所無有挾是而過耶鄆康無道少之患哉其積德未子與夫安產藏衣吉凶方位皆非醫家事故削不載去稿成而兵憲蔡虛堂公明府涂振任公助之贊刻行之以為此亦二公仁政萬分之一遂不復辭萬曆丁未早秋念四居士王肯堂字泰甫書於無住菴

許氏北禎女科學論

未見

衍嗣寶訓

未見

按右見于吳秀醫鏡序

王氏肯堂胤產全書

醫藏目錄四卷

存

王肯堂序曰世之什襲而藏者金玉玩好已耳稍有關於世則烏得什襲而藏之關於世者兵農錢穀重莫與醫埒也老人弱子又莫若妊婦重也蓋人之身一而妊婦之身二方兒為胚胎性精血而身母腹母寒熱為兒寒熱母虛實為兒虛實醫於此可少忽乎顧憐懷中乍佩宜男而輒先露草者且比比然豈姓家固有專門治驗未多靈劑取予每慨於斯一日張孝廉心如過予燒燭檢書閱數十篇獨胤產無成編相

於

與咨嗟永夜為出所藏付之訂梓噫古今怵惕惻隱之心能於嬰兒者其於兒之始基更何如乎證類若干條方採若干首姓家胎產前後纖悉備列度取諸左右無不逢原猗歟盛矣予敢恠一標示而使如金玉玩好同蔽襲中也夫念西居士金壇王肯堂字泰父題

張受孔序曰予昔在括蒼具府庫多奇書守茲土者空閣新宇俞公館穀不俸得盡閱焉岷黃別皆有產便數種予請携歸間以試之室人無弗効也試之親故無弗効也叩之業是又弗有知也欲梓之以廣其傳計偕上春官弗逮而室人重身竟殞於產中過聽庸醫家弗知檢也予痛恨甚焉居無

何任遠文婦一如室人之誤而弗知救一月之間里婦相次  
 殞者三四噫是予過也衣珠而弗之省也過金壇懷之以質  
 字秦王公并得王公手錄遠文梓之名曰胤產全書談者乃  
 俊曰是書也成可以贊天地之化育予何敢遠文亦何敢第  
 吾兩人均傷弓之鳥觀傷弓者不覺故瘡痛如宋人得不龜  
 手之藥因欲盡愈夫水戰者耳不敢望封爵其敢擬天工先  
 哲謂一介之士苟存心於利物必有所濟吾兩人任斯語已  
 矣若夫雲間俞公之授是書金壇王公之參是書功德不可  
 思議者也今而後家置一冊乃可海陽張受孔題

張氏文外玉泉子金閨秘方

一卷

存

李氏盛春胤嗣全書

一卷

存

王氏化貞產鑑

二卷

存

陳氏治道保產萬全書

一卷

存

陳治道序曰生育、婦人之常、非病也。故不用藥、不延醫、以熟  
蒂落、原無難生、倒生、橫生之異、歲時無不懼此者、緣女流  
生長、閨閣、理即載書、何曾習聞、臨產時、徒以兩命、寄一穩運  
之手、遇老練、善良者、頃緩急而調之、子女俱適於安、此亦偶  
中、而非諳於理也。值壽而惡者、全昧節次、率意妄施、或頃全  
之逆、驚駭索財、因而傷命、道是憫焉、不忍此理、不明於世、因  
據胎產古本、參以耳目見聞、集為一書、不敢文者、易通曉也。  
此書也。尤在夫君居常與頃講論、庶受胎便知保攝、臨產自  
有主張、而又穩運各習此書、明其節次、當不致倉皇失序、悞

人之性命也。則是書尚有濟哉。新陽陳治道謹序。

錢氏國賓 女科百病問答

四卷

存

按是書與前卷所著丹溪產寶百問毫無差異。豈書估  
以錢氏之書、刻為朱彥修所撰者歟。國賓字君頴。浙錢

塘人。

女科百病補遺

一卷

存

李氏長科胎產護生篇

一卷

存

小引曰予壯歲艱嗣服祖傳秘方聯舉六子每值閨中坐草時輒為魄動心驚壬申夏產第四兒難甚兼以收生老媪老而驍母若子幾致俱殞亟用草麻子微幸無恙因是發願輯胎產護生篇即欲刊行以為保妊婦嬰兒生死關頭第一着遷延至今僅得家大人已試良方一帙耳會予友乳邊孫仲氏授我產要一書為四明卜氏所傳又復旁搜遍採共成茲編亦既備厥苦心矣但保妊自受胎始前此諸證有婦科

常門在予不問也保嬰自出胎教日止後此諸證有幼科常門在予亦不問也因述顛末如此廣仁居士李長科小右氏

亡名氏廣嗣秘方

十卷

未見

按見于許儂瘍科選粹凡例

皇甫氏泰產寶

未見

按右見于浙江通志

陳氏鶴溪濟陰舉要

醫藏目錄卷

未見

亡名氏保室方

醫藏目錄三卷

未見

集驗廣嗣珍奇

醫藏目錄卷闕

未見

氏卿均濟生婦人方

醫藏目錄一卷

未見

亡名氏保產育嬰

醫藏目錄二卷

未見

錢氏大義水嗣秘書

醫藏目錄四卷

未見

袁氏黃祈嗣真詮

醫藏目錄一卷

存

鄭氏問名問答十四門

醫藏目錄一卷

未見

胡氏孝種子類纂

醫藏目錄一卷

未見

亡名氏大生方論

未見

祝以寧序曰夫生人生物者天地也故曰天地之大德曰生天地之生惟大德而後知鼓潤燠散原隰肥磽德也非所以德

惟人其然竊嘗閱世而知凡人之有生德者即與天地合其  
人必多男子蓋化醇化生自有嘿相搏抗之理而血氣筋骸  
之盈虧強弱不與焉故古稱舜德好生其以大德獲福究至  
于子孫保之而經傳所紀惟舜以九男二女特聞理有固然  
亦何足異今岐黃家謂人之生本於精血而精血統於腎與  
命門此其說固無以易余則謂人與天地合其生德者非腎  
與命門乃心也即岐黃家亦豈不以心為五藏六府之君主  
復見天地之心正見生生之心天地生生之心正為大生之  
德而先儒言心如穀種言生生也釋氏亦謂萬物生於心道  
家謂衆妙之門在谷神不死由斯以觀此心之中冲然湛然

總是生機生理而一毫陰刻噍殺之象不得而蝕之心生則百脈皆生精與血無不隨之而生者所謂與天地合其德先天而天弗違者也即陰德之說吾猶以為是後天之補助不免落第二義而况藥物乎哉且不獨男子也婦之婉孌淑慎以婦德稱者率云宜子彼亦具有天地之心德與男子合亦屬先天至於醫方之有百子九子六神二仙用以補助精血詎不奇中然皆後天而奉天時者也余持此說以閱世徵應百不失一今讀大生子所撰著余未能一一悉其義然有味乎大生而為言也自大生方論行而以後天補先天以先天養後天當萬不失一 詒美堂集

趙氏獻可即鄆遺稿

未見

單氏養賢產寶新書

未見

蕭壩曰趙獻可即鄆遺稿單養賢產寶新書為胎產秘笈世所罕讀

龔氏定國內府秘傳經驗女科

一卷

存

亟齋居士達生編



一卷

存

小引曰胎產非患也難產則為人患人患不珍則歸之于天何尤乎亦唯求之人事而已此編專為難產而設蓋區區一得之愚亦即區區一點真誠之念倘能熟者謹行皆可先生如違于是人患耳而天德叶矣然知之而不言非也聞之而不傳亦非也好生者見之宜為廣布有力者重刻通行無力者手鈔數冊口授數人隨分所至未必非吾儒同胞同與之一事吾人利濟為懷原非求福然積善餘慶必有攸歸達天德也但此編揣摩印證亦係無疑凡重刻手鈔時不必

改動尤不必增入方藥以相矛盾耳康熙乙未天中節西齋居士記于南昌郡署之西堂

武氏之望濟陰綱目

十四卷

存

四庫全書提要曰濟陰綱目十四卷國朝武之望撰汪淇箋釋之望字叔卿自署關中人淇字瞻漪一字右子錢塘人是書所分門與證治準繩之女科相同文亦全相因襲非別有所發明蓋即王月堂書加以評釋圈點以便檢閱耳

岳氏甫嘉妙一齋醫學正印種子編

目

二卷

存

岳甫嘉序曰種子編乃予醫學正印編之一也合女人調經  
 固胎護產為上下卷藏之筭中久矣曩在金陵時侍御趙公  
 勸予授之梓予見齋兒飲水茹藥未便購梓及隨仕寓杭半  
 載見兒懸魚之署垂橐更甚編幾付之塵竄無復公世想  
 適觸杭城中有標榜通衢帶打胎絕產之方為業者其術之  
 不仁一至是兒雖禁示頗嚴未必無一二潛帶以圖射利者  
 天下往往有求嗣而艱育者迺懷妊而反欲墮之不幾拂天  
 地好生之德乎予于是出是編命兒曰寧減我輩衙齋之膳

亟授之梓以告杭人并以告天下之為杭人者庶不至習為  
 殘忍刻薄之業緣是而減口腹之奉可以惜福習保身之法  
 可以延年得廣嗣之意可俾天下男無不父女無不母為當  
 今聖天子成一多福多壽多男世世予與爾之心不更慙乎  
 齋唯唯旋付剞劂

女科全編

未見

錢處士關名繡閣寶生

大生要旨作繡閣保生書

未見

湯處士關名保產機要

一卷

存

柯妙序曰秦郡湯處士保產機要一冊余也得讀之見其簡切諄褻謀身重梓杜子望陽又以錢處士繡閣寶生遺命所言昭合余因編簡醫書朱丹溪產寶百問楊子建十產論陳自明婦人良方參考互訂始知湯錢兩編皆本於先話而疏衍詳明一覽盡見余遂以機要為主存其確論節其冗言神具未備之條載以經驗之劑至易至簡可遵可行居家者其可忽諸至若胎前產後各證浩不及載惟臨產一關醫家不能措手故著為通俗之言以行於世云丙辰秋日吳郡集菴

柯妙識

李氏春茂婦人諸證辨覽

未見

按

李氏仲梓女科微論

未見

按

王氏宏論性原廣嗣

未見

女科機要

未見

按右見于吳縣志

蕭氏壙女科經緯

八卷

存

蕭壙序曰兩儀定位陰陽肇分天地即以陰陽化生萬物故經云陰陽者天地之道萬物之綱紀變化之父母而男女具陰陽之始也聖人以六經垂教萬物易始乾坤詩首關雎書傳彙陳禮者內則春秋載王姬蓋以夫婦為人道之造端而婦人乃孕育化原之本是以修調變之術者不可不於婦人

之病為獨重也自冠宗爽謂寧醫十男子莫醫一婦人以婦人病四診有所不能盡而其所患者多隱曲不可述如月經胎產至崩淋帶下便屬鄙瑣難以言示然而婦人之病惟茲諸證為最要故著書者於茲尤不可不垂講也余纂輯醫學經緯博極群書兼綜條貫九雜證得一百六十有三採摭名賢之論七十條有奇而婦人月經諸證不與焉誠以婦人之病莫重於月經胎產崩淋帶下是以別立標名曰女科經緯凡一切內外虛實寒熱各有條序按之畧方名詳治論俾學者知所從事其於婦人病庶好患治療之倍難於男子也司馬子長稱扁鵲過趙聞邯鄲貴婦人病帶下即為帶下醫夫

婦人病不止於帶下而痛鵠所過隨以其名聞諸侯問知古  
人留心於婦人病蓋慎且重也今之醫者非如痛鵠遇長來  
君授上池神術舍昔聖昔賢之論而欲冀為洞垣之見不具  
難哉苟有志斯具以是編為規槩焉繩墨焉可也康熙甲子  
歲孟秋七月坊李棘人蕭壩廣六氏漫識

程氏雲鵬 種嗣玄機

未見

程雲鵬曰天地雖極凝寒生理未嘗謝絕元精不蓄恣情于  
方士金丹或閉塞于窮愁哀北或田之膏腴或疲于奔命自  
棄而已天地何心又有堅持經朔之說妄冀鼓吹六管捕影

捉風徒令若故氏笑而引為同病 慈幼花序

陳氏治濟陰述編

五卷

存

濟陰述編附纂

一卷

存

吳氏儀治 女科宜今

未見

按右見于傷寒分經九例

唐氏十頃大生要旨

五卷

存

秦氏之種女科切要

未見

梅石見于陳懋寬傷寒大白序

吳氏道源女科切要

八卷

存

馮氏北張女科精要

未見

梅石見于錦囊秘錄

沈氏金齋婦科玉尺

六卷

存

自序曰尺者劃分寸量短長取其準也尺而以玉為之分寸所劃堅久不磨尤準之準也余竊思短長之數必取準於尺於物然於病亦然于婦女之病更無不然何則婦女深居閨房則情不暢婦女見地拘局則識不開婦女以身事人則性多躁婦女以色悅人則心偏妬稍有不遂即為憂思憂思之

至激為怒怒不知憂則氣結思則氣鬱怒則氣沮怒則氣上  
血隨氣行故氣逆而血亦逆血氣乖乘百疾於是乎作及其  
疾作又苦不自知即或知之而幽私隱曲又不肯自達且多  
掩弊于是其家委之醫醫一憑之脈而此翁翁跳動之脈欲  
藉以測婦女幽私達婦女隱曲毫釐千里貽禍不少豈非每  
意揣度而未知用玉尺以量之且用玉尺以求得其準乎昔  
者倉公診女子知其欲男子不得脈出魚際一寸是以玉尺  
量準者也古來如倉公之醫者不乏要皆量以玉尺而能準  
者舉古人為法求得其準焉夫何幽私隱曲之不可達哉  
雖然言醫之書甚繁其不能讀者無論已有能讀者苟非

識精見卓確有把持將此紛紛聚訟者何自援以為準余故  
不憚參稽著為婦科六卷所言諸病必按脈切證專于的當  
不失幽私隱曲之所在摘錄前人之語及方悉皆至精至粹  
百用百效者以是而當尺之分寸度幾如玉所劃堅久不磨  
取以量婦女病應無不得其準之準者歟乾隆甲午清明前  
二日無錫沈金鰲自書

舒氏詔女科要訣

一卷

存





60  
1273

終